



Na osnovu člana 72., 73. i 74. Zakona o srednjem obrazovanju („Službene novine Kantona Sarajevo“, broj 23/17) i Odluke Školskog odbora Gimnazije SSST, Gimnazija Univerziteta Sarajevo School of Science and Technology (Gimnazija SSST) objavljuje

KONKURS

za upis učenika u prvi razred Gimnazije SSST u školskoj 2021/2022. godini.

- Drugi konkursni rok za upis učenika u prvi razred Gimnazije SSST počinje od 24.06.2021. i otvoren je do 28.06.2021. godine.
- Konkurs se objavljuje u skladu sa Rješenjem o radu Gimnazije (Broj: UP-11-01-38-23218-11/16 od 05.04.2016. godine), Zakonom o srednjem obrazovanju Kantona Sarajevo, te pravilima Gimnazije SSST.
- Kandidat može aplicirati na Konkurs uz polaganje prijemnog ispita iz Engleskog jezika.
- Konačna rang lista objavljuje se na službenoj web stranici Gimnazije SSST: www.gssst.edu.ba i na oglasnoj ploči. Gimnazije SSST po objavljivanju zvanične rang liste od strane Ministarstva za odgoj i obrazovanje Kantona Sarajevo.
- U skladu sa Zakonom o srednjem obrazovanju („Službene novine Kantona Sarajevo“, broj: 23/17 i 33/19) upis učenika u prvi razred Gimnazije SSST odvija se prema Odluci o kriterijima za prijem učenika u prvi razred srednjih škola Kantona Sarajevo, broj: 02-04-22595-14/21 usvojene na sjednici Vlade Kantona Sarajevo dana 27.05.2021. godine i Pravilniku o polaganju prijemnog ispita Gimnazije SSST.
Za upis u Gimnaziju SSST učenik mora imati minimalno 78 bodova, odnosno 71 bod prema Odluci o kriterijima za prijem učenika u prvi razred srednjih škola Kantona Sarajevo i ostvariti minimalno 7 bodova na prijemnom ispitu Gimnazije SSST.

Način prijave:

Upis u Gimnaziju SSST u školskoj 2021/2022. godini vrši se putem online Informacionog sistema EMIS kojem će kandidati pristupiti putem web stranice <https://upis.emis.edu.ba>
Kandidati se prijavljuju na online sistem EMIS putem OID broja koji se nalazi na svjedodžbama učenika iz Kantona Sarajevo. OID broj predstavlja šifru učenika/kandidata putem kojeg će učenik kreirati svoj korisnički nalog.
Uputstvo za online upis učenika kao i video tutorijali se nalaze na web stranici <https://upis.emis.edu.ba>, na web stranici Ministarstva za obrazovanje, nauku i mlade Kantona Sarajevo.

Predaja dokumentacije

Nakon objave rang liste primljenih kandidata, učenik u roku od 48 sati, u skladu sa Odlukom o kriterijima za prijem učenika u prvi razred srednjih škola Kantona Sarajevo, dostavlja sljedeću dokumentaciju u Gimnaziju SSST:

- prijava za upis (prijava za upis se printa iz online sistema EMIS po okončanju online upisa na osnovu konačne rang liste – <https://upis.emis.edu.ba>),
- izvod iz matične knjige rođenih – ovjerena kopija,
- svjedodžbu o završenoj osnovnoj školi – originalna dokumenta,
- uvjerenje o uspjehu učenika u VI, VII i VIII razredu osnovne škole – originalna dokumenta,
- uvjerenje o državljanstvu, originalna dokumenta,
- za učenike sa inostranim školskim svjedodžbama, potrebno je rješenje o nostrifikaciji i ekvivalenciji inostranih školskih svjedodžbi i
- druga dokumenta relevantna za utvrđivanje bodova po kriterijima iz člana 10. i 12. Odluke o kriterijima za prijem učenika u prvi razred srednjih škola Kantona Sarajevo.

Učenici koji su osnovnu školu završili izvan Kantona Sarajevo ili u inostranstvu upisuju se pod istim uslovima kao i učenici sa područja Kantona Sarajevo. Ministarstvo za odgoj i obrazovanje Kantona Sarajevo donijelo je **Odluku broj: 11-05/01-34-22036/21** kojom određuju osnovne škole u Kantonu Sarajevo kojima će učenici dostaviti dokumentaciju za unos podataka u EMIS informacioni sistem u školskoj 2021/2022. godini.

*Gimnazija SSST
Bistrik 7
71000 Sarajevo
Bosna i Hercegovina*